


天台治畧

四五

				九	漢
			一	一	書
			一	九	門
六	二	四	六		
冊	冊	冊	冊	類	

庫文閣内		
九	九	漢
二	一	書
冊	冊	
架	冊	類



内閣文庫	
番號	漢 9196
冊數	6 (4)
函號	297 38






一件嚴飭堂規以一法守事

照得本縣恭膺



簡命承乏茲主心存祇慎政效庶平今下車伊始固不以標異沽
 名又難以姑息徇縱况日察爾等書役中奉公守法者甚少
 作奸犯科者頗多與其事發而加懲曷若先期而相戒除地
 方一切利弊俟次第舉行釐剔外所有堂規合行申飭為此
 示仰西廊吏書及各役人等知悉務要洗心滌慮易轍改弦
 凡堂規之所已載者固宜一一恪守奉行即堂規之所未盡
 者尤當事凜遵成憲如敢故違三尺具在不少貸也凜之
 慎之



告示

一件設立義學以育人材以興教化事

照得嘉禾以培植為本人材以教育為先古來設有書塾
序立師儒以董訓迪者誠恐英才之多淪於暴棄也我台邑
溪山環繞鍾靈毓秀代有聞人家多俊彥惟是素封世族各
為延師設帳自可從容以事詩書若編戶單寒縱具瑰資異
質烏能拮据而親沾暉往々美瑾無琢磨之功而良材有廢
棄之嘆則義學之設誠為親民者首要務今特設立經蒙二
館分別課誦除延請文優品端二生在於方祠陸祠二公所
設帳授徒本縣捐俸給送修脯外合行出示通知凡有從學
者預赴禮房報名開註經蒙登簿經則送入方祠蒙則送入

陸祠聽候本縣於每月簿書之餘乘暇過從頒給紙筆務期
執經問難一秉師傳溫恭自虛咸循學則無怠無荒磨礪砥
礪俾德造兼優人文豹變真俗吏之光本縣有厚望焉若夫
秋風桂子春浪桃花又在轉瞬間本縣擬於寶婺公事告竣
旋縣之時自三月至六月設七篇會于八佛菴中每月一次
諸君子果肯惠然幸先為示知姓氏以便涓期敦請載筆賜
顧共吐珠玑群抒錦繡聊憑看花之眼預卜瓊林第一枝或
亦都人士之所不我遐棄也特白

一件會課事

竊以盛世崇文聲教不遺海甸 興朝重士弘獎徧及山陬
况永嘉為

聖天子丕變之邦始豐尤賢鉅卿薰陶之地星分牛女上應台垣
禹貢荆揚下隣寶婺金闕峻嶺於天半素號地靈瓊臺聳峙
於雲中豈無人傑赤城霞起自多霞蔚之材華嶺雲歸定產
雲蒸之彥誦興公之賦恍入桃源吟太白之詩夢遊天姥仕
宦樂官此地名流代有其人靈運揮毫大得江山之助賓王
艸檄如聞風雨之聲臨右軍洗墨之池風流如昨過處士讀
書之宅馨欬猶存雅號清竒項斯逢人便說主持道學深甫

名下無虛遐思盛事于當年真足流徽于此日不有繼起孰
與嗣音本縣江左寒儒郎川下士凜先人之遺訓幼習文章
值國老之持衡濫叨科第躬膺

簡命恐貽美錦學製之識承乏名區可無樽酒論文之雅爰訂朔
日會集大堂或舉業能文不啻瓊瑤相贈或登高作賦毋曰
金玉爾音或雅尚詩詞不吝吹笙鼓瑟或留心時務勿襲土
飯塵羹在選拔明經固望聯鑣而至即辟雍上舍還祈載筆
而來當此桂蕊飄香正多士彙征之氣候竚看鴻文煥彩卜
來年預荐之先聲謹告

一件會課事

照得天台文獻名邦浙東勝地山名天柱毓秀詞林井號墨
湖鍾靈才藪忠貞貫日月許德著之風節無雙雄俊震山河
劉與權之豪吟第一淵源理學王蘊文王宗元後先數子並
駕紫陽焜耀科名趙時可趙伯可叔季二人同登蕊榜至於
陳俊德之威名赫々夏宗成之壯績峩々允為台邑干城洵
屬始豐保障夫地靈既產人傑將夕秀更啟朝華向時甲第
蟬聯起鳳騰蛟恒多碩彥近歲文風鵲起雕龍繡虎不乏名
流是誠萃山川之秀氣發而為邦國之休徵者也本縣少習
搢觚騁詞華於月露長而奉檄作俗吏於風塵雖室非言游

以公事識澹臺之面而心同楊意欲凌雲誦司馬之文但自
三春以來殊覺脂車勞攘今擇四月之吉會當時序清和尚
留烟景文章盡是陽春之曲敢曰公門桃李無非上苑之香
擬覘一日之長特啟七篇之會工夫以研悅而能深筆墨惟
精勤迺有獲刻之含毫拂紙自然路熟車輕頓之數墨尋行
頓覺心靈手敏轉盼秋風桂子瞬息春浪桃花拭目俟之翹
足望焉為此佈告同人定于十七齊集八佛庵親接群賢面
同考校出題經四書三供給粥二飯一悉倣闈中之例用勵
文士之心闡竒洩秘各吐紙上珠玑拔異標新競落毫間風
雨將見清溪橋畔喜看金紫聯翩先使坦蕩亭前快觀琳瑯
滿目用占子丑先聲預卜元魁捷報勉旃賁止勿我遐思謹

告

一件會課文武儒童事

照得文章一道以研悅而能深筆墨之功惟精勤乃有獲故
巧生於熟其殫心也洵自髫年而窮且益工其得力也端由
初服本縣家居卽步學昧蓬山早歲操觚鑽研家塾甫經應
制識拔童科數墨尋行十載露香閣畔含毫拂紙三經白鷺
洲前泊乎路熟車輕自覺心靈手敏乙酉觀場之日閱薦旋
膺丙戌釋褐以來揣摩不廢傳家衣鉢只此自怡歷世箕裘
頗堪持贈今幸驅車浙水問俗天台到處看山恍識文心奇
特環城是水可知藝圃清泓雖氣格風毅拭目欲急而簿書
錢穀鞅掌為勞前止承教膠庠今更觀光象勺涓期十五之

吉肆予甲乙之評或奮武或揆文或老成或英妙均望貴止
勿我遐思節屆中和枝頭好鳥弄音賡白雪陽春而競麗時
維二月嶺上奇葩吐艷映錦心繡口以爭妍各杼月露之詞群
逞球琳之句高曠如華頂晴雲空靈似石梁瀑布光芒璀璨
儼若赤城棲霞音韻清幽恍似瑤臺夜月毋勦襲勿雷同果
能並茂夫實華自爾兼登乎奇正敢曰行間芍藥盈湘潘岳
之花亦曰字裏葡萄滿篋丘遲之錦從此芹藻生香泮水洗
淋漓翰墨自茲桃花浪暖天池躍變化魚龍誠鷹揚鳳翥之
先聲實虎觀龍門之發軔盍各勉旃是所望矣特示

一件會課儒童事

蓋聞宜僚之弄丸也巧生於熟養由之穿楊也功務其精楮
葉雕成熟甘居後木雞養足誰不爭先然而鑿去糠粃如露
盤中玉粲譬之汰開沙礫方呈水底黃金所有前次會課文
童擬於某日再行覆覈謬肆品題欣看簪筆前來莫謂珠校
暗室快覩搏風直上寧同劍隱豐城心乎愛矣跋予望之

一件為會課文武儒童事

照得雪案攻書盡爲翻、佳士風簷角藝群稱矯、奇才似
含毫拂紙偶有一日之短長則走馬看花亦是片時之好惡
謬用品題妄評甲乙雖案牘勞形未免遺珠有嘆而琢磨勵
志還因奪戲騰歡從此好鳥枝頭皆助錦心繡口落花水面
盡資錯彩鏤金轉盼鑠闌蹀躞竚看泮水翱翔載瞻絳帳之
馬公羅拜青毡之鄭父敢曰栽培有力當知期望實深

一件嚴飭新正夜巡以靖地方事

照得小民終歲勤勞焦心竭力靡有寧日惟至新正錢糧之
 追呼少緩租債之逼迫暫寬骨肉聚首親朋往還觴酒陶情
 彼此稱賀一年之內民間樂事全在履端之始然未免苟安
 且夕偷惰之念易起不特好飲逞兇因小忿而釀大禍即安
 分閉戶貪閒熟睡未能遠慮鼠竊狗偷之輩遂乘機潛入無
 論貧富若輩進門斷無空過到得開印報官差捕緝查而物
 件已化烏有徒滋捕役之騷擾終歸無益即幸而獲賊獲贓
 本縣從重治罪斷不姑息而受害之家已費盡無限心計無
 數工夫矣本縣身為民牧時時為地方百姓籌畫與其事後

而多惆悵曷若先事而慮萬全為此示仰各坊都黨總知悉
際此昇平無事之日為未雨綢繆之計照排門單式十家一
甲每甲派撥二名每夜於街頭巷街擊柝巡哨遇有匪人即
刺扭稟如或人眾即喊鳴地隣併各鄉村結保之人協力擒
拿庶奸宄藏踪民得安枕其民居稠密之村或半月一月一
週即烟村四五家或五日十日一週每夜一甲不過二人之
辛苦而十家便享無窮之福利此雖屬本縣思患預防之策
實亦古人守望相助之意爾等務期寔心奉行勿生怠玩該
黨總仍將輪班值日姓名造冊送縣以憑查察嗣後倘有失
竊等情先將值夜更夫報名究處本縣言出法隨斷不姑縱

各宜凜遵毋忽

一件曉諭俊秀一體送學以弘文教事

竊惟尼山日月為今古禮樂之宗泮水芹苳乃邦國賢才之地故

皇上隆釋奠髦士端鼓篋所以興崇教化弘獎斯文甚盛舉也近今以來黌宮子弟汗漫離經泗水衣冠淪胥榛莽採芹畢世不登先聖堂階秉鐸頻年未覩子衿面目如此陋習心切傷之夫儒生且然何況成均然而子弟之率不謹由於父兄之教不先此亦身任地方者之過也本縣添叨一邑之長安忍聽士風之頹廢而不為振刷乎所有海塘捐納各生共三十四名知照已到理應做照新進儒童之例一體送入聖

學蓋既遵例而急公自當徇名而責實况乎俊秀者關門籲
俊也論秀書升也生監固曰殊途學宮初無二致合行出示
曉諭為此示仰海塘捐監各生知悉的于六月十五日起送
入學恭謁

先師畫與文教雖非鑠圍蹠躐瞻絳帳而拜馬公亦使泮壁翺
翔披青袍而呼鄭父引入君子門墻用作公家桃李賡辟雍
之詩結麟鳳之網知子來之非敢後也特示

一件飭端士習以挽頽風事

照得士為四民之首幼學壯行家修廷獻人皆以處大期之
我

皇上興行教化作育人材隆重師儒加意庠序務期風教修明賢
材蔚起典至渥也然恐有敗檢踰閑不知愛鼎之士既有卧
碑以儆戒之復

御製訓飭士子文以勸勉之諄諄誥戒總欲使諸生爭自濯磨砥
礪廉隅而已奈何台邑士習波靡不修邊幅文武生監中悖
謹自好之士固不乏人而夜即自大罔循繩墨者正復不少
往者自恃護符欺壓愚民武斲鄉曲雌黃其口虺蜮其心曲

一件再行勸勉以端士習事

照得大江之濱有神龍焉變化風雨上下于天漁者不得而
網之南禺之山有丹鳳焉其羽九苞其飛千仞弋人不得而
羅之物固如此士亦有然廉隅者士之鱗甲也氣節者士之
羽儀也懷文抱質潛德以居豈非巋然物望哉故必厲廉恥
修邊幅植綱常守法度如古人立志不在溫飽遠大自期勿
同流俗庶幾稱焉奈何台人士一採芹香便尋壘飯結納胥
緣之歡引同心於刀筆滑稽輿廝之伍藉通好於盤餐因而
出入衙門包攬詞訟武斷鄉曲侵蝕錢糧利之所在羣趨若
鶩稍不如意即一呼百吠蜚語流言躍冶無忌士習日媮儒

風掃地此誠名教中之罪人固無足論間有一二矯異拔俗之士惠而好我屢肯來遊口談仁義得聞教益非不弘多但本縣愧非臨邛竊恐貽慙司馬且招搖過市難免瓜李嫌疑所以雖室非偃室而于簿書鞅掌之餘每念澹臺未嘗不心竊嚮往也目今

聖天子加意右文崇儒重道曠古為昭然而訓飭有文卧碑有戒欲為士者閉戶潛修以儲公輔之器故知士必自重也而後人重之本縣目擊頽風前經出示勸勉今為日已久合再與爾諸生約務要整飭廉隅砥勵氣節矯然自好寧介毋通寧方勿圓以孝弟為本以忠信為基以五常為性天以四維為

坊表持躬恂恂如玉在璞如珠在淵光芒煥發山輝川媚本縣且改容而禮之矣即當宁名公巨卿皆曰此邑多佳士我臭味也其誰不刮目以待乎本縣願諸生為管幼安為王彥方不願諸生為掃門之賓望塵之客更願諸生早完國課徧地絃歌為非公不至之澹臺不願諸生為催租敗興之大臨也幸自愛鼎其各勉旃特示

一件嚴飭飯舖不許容留奸宄靖地安民事

照得盜賊竊發由於地方之有窩家而窩家之敢胆大公行
又由於隣搃之稽查不力或竟有明知而故縱者我天邑野
曠山深道路叢雜宵小易於藏踪而飯舖歇家尤為納污藏
垢之所前經出示禁飭并飭隣搃稽查在案誠恐日久法弛
合再出示嚴禁為此示仰該飯舖及黨搃隣甲知悉嗣後如
有異言異服面生可疑行踪詭秘及遊僧野道等項匪類到
地立即會同協擒解 縣以憑查訊分別詳解驅逐如敢窩
留藏匿隣搃通全徇隱訪聞告發定行嚴拿一並盡法重處
斷不姑寬各宜凜遵毋貽後悔

相救援保長牌長不得借端魚肉衆戶違者治罪凡道路客
店令其各立一簿每夜宿客姓名幾人行李牲口幾何作何
生業往來何處須一一登記明白違者治罪至於廟寺最能
藏奸僧道尤易假冒凡有廟寺亦分給印牌上寫僧道口數
名姓稽察出入一如民式月終衆保長各出具無事甘結報
明州縣存查各州縣於境內城市鄉村仍不時親身巡察毋
得虛文應事等因遵奉在案今本縣蒞任方新俟公務稍暇
即親詣四鄉編查保甲恪遵定例舉行外合先出示曉諭為
此示仰通縣居民人等知悉凡所轄城村鄉鎮爾民務須結
甲齊心細加盤詰遇有面生行踪可疑之人立行驅逐出境
毋許容留夜則擊柝巡邏守望相助勿得岐視其該甲人戶
有容留前項匪類在家出入及怠惰不行巡查守夜者許保
甲隣佑公仝呈報拏究此本縣靖地安民之意爾等務期實
力奉行一有故違大干未便

一件為再嚴私用小斗小升之禁以昭功令事

照得大律開載凡私造斛斗不平在市行使及將官降斛斗
作弊增減者杖六十工匠同罪其在市行使斛斗雖平而不
經官較勘印烙者即係私造笞四十等語又定例開載戶部
題直隸各省民間所用斛斗大小迥別升斗面寬底窄奸牙
狡僮之人希圖違制致生弊端理應畫一嗣後應將直隸各
省府州縣市廛鎮店馬頭鄉邨民人所用斛面俱令照戶部
原題頒發鉄斛一式遵行其升斗亦照戶部倉斗倉升式樣
成面一律平準造違者從重治罪等因通行在案是升斗
等項官降一定之式民間遵依製造赴官較勘印烙而後行

使所以同風俗一制度不得私有增減致干功令也然市
會存心狡譎惟利是圖不怕王法徃私造小斗小升欺騙
行使但此輩蚩無知語以律例或迷而不悟告以因果報
應未有不瞿然而起者有周才美為子娶婦見婦能理家政
付斗斛各兩等諭以多入少出之法婦不悅求去才美怪而
問之婦曰翁所為有逆天道妾他日生子定不肖破家人謂
是妾所生恐被玷累才美悟乃曰依汝言及今改之未晚也
婦問用此幾年矣曰二十餘載婦曰如必欲留婦當反用二
十年少入多出以酌前日欺瞞之數才美許諾後生二子皆
登第又有江山縣祝大郎富而不仁所用斗斛大小不一忽

有道人過門戒曰汝宜用心平等豈可如是今若有人來取
斗秤等物家必有灾是夕即夢二青衣來取夢中付與既覺
急尋之已失矣因憶道人之言謂災者火也即盡徙室中之
所有藏于山上質庫中方稍定地忽迸裂洪水湧出屋宇錢
帛順流而下所居頃刻化為深潭至今呼為祝家潭焉果報
昭昭凜然可畏今天邑向來私造小斗小升行使本縣已經
出示嚴禁追出銷燬遵照部式較準印烙頒領在案今訪聞
每逢積日糴糶米糧遵用官斗官升外而于不係做積之時
有等不法奸徒仍將私造小斗小升公然行使爾等獨不思
細民日用為急即一文之錢得之甚難况有挑步擔之人日

越日喫勢必隨時零星米糴安能必于積日尅期而買如此
藐法欺騙非惟干犯 三章亦且大傷天理今本縣奉委湯
溪武義監賑爾等機乘公出仍然私用小斗小升亦未可定
合再出示嚴禁為此示仰買賣糧食一切牙僧人等知悉速
速奉公守法洗滌肺腸不論積日平時俱用官斗官升一體
行使公平交易倘敢故違一經旋署查訪得寔定行嚴拏盡
法究處党總知而不報一體治以通同巧取奸利之罪諺云
越奸越巧越貧窮奸巧原來天不容富貴若從奸巧得世間
駸漠吸西風此言真佛氏所云頗中于一切特為揭出喚醒
痴迷須至示者

一件酌賑被火窮民事

照得入春以來風物晴和雨暘時若各安耕鑿大有可期不
意三月二十三日夜十五六都內居民失火沿燒多家據黨
總陳望稟報到縣隨委捕衙查勘去後據覆一村全燬計九
十一灶內真正窮民陳招榮等四十八家計一百九十七口
造冊呈送前來因思時屆春深正東作方殷之候即使安居
無事猶慮不足之憂何堪祝融肆虐 且室廬什物俱成灰
燼是豈爾民人事之不脩欤抑本縣寔不德不能回風反火
消弭天災歟在平日稍可過活之家今雖慘罹回祿尚能勉
強支吾而寔在難以存活之人現在餬口無資安望躬耕力

作勢必有廢農時化僞致嘆殊深扼腕爰捐清俸量情酌賑
所有被災窮民陳招榮等四十八家照捕衙冊開丁口數目
不論大小每口賑穀五斗內或係鰥寡孤獨驗明倍給合行
出示曉諭為此示仰該黨總陳望火速傳齊被災窮民陳招
榮等各正身的于四月某日齊集赴縣聽候本縣當堂按名
給賑勿得遲延自悞但爾等遭此一畚鞠凶之後更當憂勤
惕勵男耕女織毋作非為毋即惰淫各守本分以承天庥目
下急、盡力南畝以冀秋成有望使家人父子安全如故桑
麻鷄犬動植依然以恬以熙優游化日庶不負本縣一片繾
綣婆心也特示

一件驅逐土娼以靖地方以正風俗事

照得人生於世知禮義便不輕為犯法之事識廉恥自不肯
為辱身之行雖至窮極苦果能男勤於耕朝作暮息女勤於
織秋苧春蚕夫婦勉力一身苦掙不但可以度日資生且可
成家立業何石板路地方離城不遠蕪恥道喪禮義風微家
家開歇店為生理人、覓少婦以當鑪於是爭妍飾媚不殊
倚市之青樓即使掩耳偷鈴終類勾欄之碧帽名為賣飯實
係土娼習為故常恬不知羞風俗敗壞一至於此深可痛恨
查該地為省郡咽喉往來要道有此招淫之中懶無恥之夫
男星羅碁布於其間即有桃脚堯夫從中說合為風月牽頭

誨淫媒使毋論士夫商賈花迷蝶恋魂斷芳釵即至解餉差
胥色鬼淫魔悔歸歡洞因而近殺引盜悞事廢公無所不至
非惟風俗之媮寔為地方之害天台俗敝風頹各處飯舖如
此者諒復不少除石板路各店已經責懲取具改過自新甘
結存查外合再出示通行嚴禁為此示仰該黨摠及隣甲人
等知悉示後倘有前項土娼勿自愧悔怙終不悛立即嚴行
驅逐不許容留本境或有富豪劣衿違禁包圍潛住鄉庄彼
則恃為護身之符此則希網薦梳之利可羞可鄙與衙院何
殊該摠保察稟本縣以憑嚴拿盡法究處黨摠隣甲徇隱不
舉一體治罪本縣為挽頹風而成美俗起見法在必行毋視
為泛常噬臍莫及也特示

一件嚴禁婦女入廟燒香以正人心以端風俗事

照得風俗之敦龐由於人心之邪正故夫象魏懸書始和布
令務使士誦於家農耕於野工賈各治生涯婦女均勤紉織
安居樂業毋即惰淫至於聚會燒香男女雜遝久有明禁而
彌勒白蓮等教又現在奉

青查拿是入廟燒香之事在男子尚所當禁何況婦女今本縣下
車之日詣城隍廟行香偶步入寢宮見有少婦老嫗羣居
萃處不勝詫異當經從寬不究外因思台邑婦女其平日逐
隊成行入廟燒香習為固然但佛在心頭心即是佛為婦女
者果能恪守婦道孝順舅姑尊敬丈夫教訓子女操家作苦

則家庭閨閫即是佛地靈山縱井白齏鹽無非極樂世界何必燒香况人同此佛同此心而佛又以慈悲為本方便為門人果能志心皈禮即在葦門圭竇之內未始不可燒香以昭誠敬佛果有知自然降福消災何必入廟乃紅裝翠袖屢來蘭若招提與薙髮披緇頻相對夫男不以為耻婦女樂此不疲人心不古風俗頹壞良可浩嘆除現在飭差查察外合亟出示嚴禁為此示仰通縣軍民人等知悉嗣後無論大家小戶各宜戒飭婦女安處家內勤修女工敢有藐玩不遵仍然縱容婦女入廟燒香者立提夫男到案如係民人重責枷示若係衿監罰修學宮該廟住持不行攔阻任聽婦女入廟定用大枷一號兩個月責四十板驅逐出境決不輕恕本縣為正人心端風俗起見法在必行毋視為泛常自貽伊戚也特示

一件再行嚴禁婦女入廟燒香以養廉恥以挽頽風事
照得婦人女子謹守閨門理之正也乃世風不古習俗波靡
婦女樂于冶遊俏粧倩服挈榼提壺玩水遊山朝神禮佛嬉
戲于慈雲之地襟還于綠覺之場既露面而出頭復成行而
逐隊忘其所以對光頭促膝而談樂此不疲與赤脚同牢而
食逞已艷容飽他餓眼固不必花迷蝶戀魂斷芳釵亦勿論
色鬼淫魔攝歸歡洞即行來一路而道旁之指視幾多輕薄
尖唇歸空多時而座上之風流猶費端詳細論于是踰牆鑽
穴每為月下之敲帶水拖泥妄覓慈航之渡廉恥道喪禮義
風微夫孰使之然耶更可恨者訪有巨族名門中年娶婦請

來衲子邃屋高扁朝夕與俱名曰教經，年累月供奉在家
子姪不知恥親族不為怪真正可鄙可賤可悲可痛苦不嚴
加禁止將來敗俗安窮前本縣下車時已有示禁今日久法
弛除現在差役密拏外合再大張榜示敢有無耻夫男縱容
婦女仍前出外閒遊入廟燒香無論紳衿庶民立刻嚴拏同
容留之住持大板重責枷示通衢至于三姑六婆乃誨淫之
媒使風月之牽頭槩不許擅到人家走動并不許僧道擅入
人家抄化着鄉約黨總甲長嚴查稟究倘敢容隱察出一併
從重治罪如此庶頽風可挽美俗可成要知王化始于閨門
陰教秉乎陽教婦人女子有何見識全在為婦之夫為女之

父者平日時，告以操家之方守身之道講理法習禮儀供
箕帚勤紡績嚴內外之分別男女之辨久，自能必敬必戒
不難易俗移風則本縣入廟燒香之禁其有關於世道人心
不小願都人士各，交相告戒警覺提撕一洗從前積習如
子輿氏所云頑夫廉懦夫有立志本縣不無厚望焉特示

一件查逐不法奸僧以清佛教以靖地方事

照得釋氏專主虛無窅冥以清淨寂滅為教亦得流傳今古
相承不墜者蓋以禪衲之中每多高品焚修證果德行堪師
耳但須堅持戒律恪守宗風始可參禪悟道朝朝面壁夜
蒲團見明鏡之非臺識菩提之無樹縱使芒屨踏破惟有水
月蘆花總然石鉢携來祇是松風桂露未有態習油腔行同
伏莽狂且其貌而能佛氏其心者也今據捕衙詳報華頂僧
自明放火廣嚴僧文峰犯姦各情詞到縣批閱之下不勝駭
愕夫台山素號洞天華峰首居名勝安容此誨淫之衲子兇
惡之緇流敗壞清修穢污佛地豈鹿苑琳宮竟為藏垢納污

天台山志 卷之四
三
之所耶深可痛恨查天台庵寺頗多此類正復不少合飭嚴查驅逐為此示仰僧會司傳示華頂天峰國清赤城一切大小寺菴住持知悉各戒諭僧眾苦守清規各安僧家本等倘有干犯五戒行止不端真世法中之蠹賊佛法中之羅刹許即鳴官究逐敢再容留一經發覺除本犯重處外並將該住持及同居之大眾一體盡法究懲斷不姑饒法紀所在剛斷即是慈悲本縣作護法韋馱正當在此處着力佛果有靈諒亦拈花微笑也特示

一件曉諭遠近寺僧概免點冬各安本分事

照得縣令一官俗家人稱之曰父母出家人稱之曰護法其分甚尊其情甚親顧名思義務當息事寧人使之各得其所本縣承乏茲土加意民瘼因革所施已經畧見興除之事未盡猶多即如闍黎托足于香臺釋子安身於蘭若每屆冬至之時必有點名之舉此輩不念法華經不禮梁皇懺不耕而食不織而衣每年一次到縣聽點何為不可惟是時當亞歲重陰泣寒風雪載塗奔波非易又須隔夜先來守候未免費用盤纏均屬眼前赤子自當一視同仁何可使布衲芒鞋多此一番苦累耶况乎合璧聯珠履長增慶而令薙髮披緇者

駢肩累跡雜遝公堂亦甚覺其無謂矣前據萬年華頂等寺稟免點冬已經准免在案今特概行免點合亟出示曉諭為此示仰僧會司知悉嗣後冬至不論遠近大小寺院僧人一概不必造冊送點以免匍匐守候之苦仍速傳諭各僧務守本等毋作非為暮鼓晨鐘黃齏淡飯擁蒲團而課靜室禮金粟以向空門堅持一點禪心明澈于江水月敢有帶水拖泥不走恒途大道假安禪而閉戶仍來月下之敲藉托鉢以沿門妄覓慈航之渡此真自投苦海罪孽難消縱緩韋馱寶杵難寬彌勒金繩該僧會抄示徧貼曉諭毋忽特示

一件嚴禁奸棍違禁煎燒低潮以申 功令以除民害

事

伏查新例內開凡用銅鐵錫鉛藥煮偽造騙人行使發覺為首者係民人在本地枷號兩個月責四十板僉妻發往黑龍江給與窮披甲之人為奴為從及知情買使者亦在地方枷號一個月僉妻流三千里至配所杖一百折責四十板煌煌功令炳如日星且現奉各 上憲三令五申嚴行飭禁莫不凜遵詎台邑有等不法奸棍利令智昏全無顧忌胆敢煎燒棒底插錫排鉛起龜柳葉劈開等項恣行欺騙入手宛若朱提轉眼即成烏有致農工商賈終朝血汗幾許奔馳勞碌換來

者一旦竟付東流言之真堪髮指今本縣准任方新誓必除
此害民蠹賊但不教而殺又所不忍除現在密訪嚴拏外令
行出示嚴禁為此示仰闔邑各餅匠知悉嗣後務宜痛改前
非洗心滌慮九色以上方許傾銷兌換如敢陽奉陰違仍然
煎燒前項低假潮銀騙害商民一經訪聞告發定照新例
通詳治罪本縣決不惜一家哭以貽一路哭也各宜猛省毋
致噬臍仍速具不違遵依甘結候查特示

一件特行曉諭事

照得行使低假潮銀不但干犯

王章抑且大傷天理本縣凜遵

新例嚴加禁飭原以愛民非以病民今訪聞不法差役如陳科姜

顯張標等在外借端罔詐已經痛加責懲外今當歲暮小民

赴積交易必多恐有地棍連結奸胥慙不畏法仍蹈前轍亦

未可定合行出示曉諭為此示仰趕積商民人等知悉務宜

恪遵

功令保養天和如有存剩低假餅銀速行傾銷行使不得仍前到

積哄騙其間或有真正鄉愚年終出市不知悞用者各該巡

後及地鄰黨總只須明白開說令其傾換好銀行使敢有借
端詐害及結夥搶奪者許受害之人即刻扭稟以憑盡法重
處決不寬縱至于一種無賴潑皮打降惡棍平時遊手好閒
耍拳弄棒不務生理一到年終無以卒歲在于熱鬧場中三
五成羣故意挨肩擦背尋非生彙機乘衆人耳目不及隄防
之際趨手擄掠銀錢搶奪什物蜂擁而來蜂擁而去以致孱
懦吞聲飲恨莫可誰何言之真堪痛恨本縣現在密訪嚴拿
爾等各宜改絃易轍安分守己倘不及早回頭仍然怙終不
悛一有違犯立置大法譬如漏脯救饑鳩酒止渴非不暫飽
性命隨之勿謂本縣言之不早也特示

一什嚴禁市僧行使低假餅銀以伸法紀以除民害事
照得天台低假餅銀最為民害本縣嚴拿不法餅匠屢經重
處飭禁在案然欲禁奸匠之不煎必先禁刁民之不允蓋允
換既無則煎燒自絕但允換行使此種銀兩者大率出于各
牙行市僧居多此輩利欲薰心只圖得此中餘瀝又欲博商
客歡心所以不顧王章不循天理積習相沿牢不可破鄉
愚每遭哄騙啞苦難言今屆絲麥告登將來苧蔴總出小民
所賣銀兩藉以完官糧養家口豈容奸牙肆毒致為民害合
亟出示嚴禁為此示仰四鄉各牙鋪行戶人等知悉嗣後買
賣交易其銀兩務必遵照本縣前示九成以上方許指物作

價通行使用從前一切低假餅銀票不許兌換行使統限三日內出具不違遵依赴縣投遞存查倘敢陽奉陰違一經訪聞告發定照新例從重治罪斷不姑寬至于外來商賈攜帶血本登山涉水柳風沐雨受怕擔驚吃盡許多苦楚無非為覓蝇頭亦宜各發天良勿聽奸僧唆聳搭假銀以傷陰騭夫人同此心同此理爾等欲以假銀哄人貨物設或他人亦將假銀賺爾貨物易地而觀回頭一想苦也不苦恨也不恨本縣諄告戒無非為通商裕民起見各宜猛省毋貽後悔特示

一件曉諭煎餅票准完糧不用傾銷飭令餅匠估足稱準眼同納戶自封投櫃事

照得天台煎餅一項最為民害雖嚴加禁止無奈行使依然在用鉛餅者以為向來存剩不得不用在煎鉛餅者以為民間積下非係新傾交相藉口互逞故智此之謂其源不清其流不塞今本縣特設一清源塞流之法毋論高低煎餅票許完納錢糧合行出示曉諭為此示仰通縣四民人等知悉速將從前所存煎餅各賚赴餅匠鋪內不必傾銷止令估足糧紋稱準自封投櫃串袋上用餅匠姓名戳記以憑拆併查閱如餅匠敢有措勒留難立即扭稟從重究處統限十日內

收盡低假煎餅如敢十日之外仍然行使者真乃不法刁棍
定行嚴拿盡法重懲斷不稍寬毋違特示

一件嚴禁錠匠橫惡嚼民事

照得完納錢糧必須足色紋銀奈天台行使盡是煎餅時銀
不得傾銷上櫃詎奸惡錠匠乘機作祟遇有賚持九七八
來傾者分外估折心滿意足方與傾銷稍拂其意即置之不
理遇有賚持鉛餅來傾者必用大鐵錘先行重錘下沙屑
特強指取入橐不肯付還本人及至下爐又要侵偷夫餅銀
業已低潮有名少寔又加重下股削小民豈不苦上加苦合
行出示嚴禁為此示仰各錠匠知悉屆今開征伊始傾銷必
多爾等務宜洗滌肺腸痛改前非奉公守法如納戶持銀到
鋪果係足色紋銀無論錠塊不必再傾即令原銀稱準自封

投櫃如非足色須用傾鎔者毋許故意估折恣行偷竊至於
餅銀錘下砂屑即時付還本人倘敢仍前肆橫種之不法許
受害納戶扭稟以憑盡法重處有犯必懲決不寬貸特示

一件嚴禁奸徒販米出境以足民食事

照得天台地土硠瘠產米絕少蕪之四面皆山米商不至所
以一遇旱澇小民即艱粒食今年幸獲有秋家之多收幾斛
穀自宜積貯以備不虞即有鄉民必須糶米以了公私亦宜
在於同鄉共井之中自為交易庶幾可以本地之米足備本
地之粮近訪有等奸徒止圖眼前射利不知深謀遠慮成群
結党販賣米麥出境絡繹於道每日不下數百餘石因思出
境多一石本地即少一石天台產米幾何其堪此狼戾為也
况目下相距麥秋尚有半年天道無常雨暘時若難以預必
米販出境斷之不可除差役巡查外合行出示嚴禁為此示

仰合縣紳衿士庶及地方黨棍人等知悉貧者當念荒年乏食之苦省吃儉用富者當念鄉井窮人之苦加意任恤各多留米麥不許販賣出境如有奸牙積販胆敢違許該地隣總據實稟報以憑嚴拿重處倘鄰棍狗隱一經察出定行一體治罪即有因完糧而糶本縣久有告示許令挑穀交倉照依時價給串歸農又或有別項急用而糶本縣現在買穀補完春間平糶之項亦只須挑賣官倉照依時價隨到隨給決不短少決不稽遲爾等試思米穀一賣出境再無回來之日若賣貯在倉又可為將來平糶之計何勿思之甚耶要知本縣此舉為百姓足食起見各宜凜遵毋違特示

一件脩造戰船已經詳免特行曉諭以杜指派事

照得天邑向來每值脩造戰船在官民則苦事當頭在經差則生意到手各行各舖各夫各匠無不科派擾累至于封取璋松等木壞人房屋損人墳墓敗人苗稼害不勝言及至押解夫匠物料沿途任意賄放變賣到廠者十不及一因而遲悞船工本官不得不累百盈千吞釐賠累真正官民交困本縣稔知其弊蒞任時即備文通詳請免奉 督憲鈞批戰船辦料承脩責成知府久經批飭有案仰布政司轉飭遵照等因批行在案今年正值仁字二號水艍船一隻仁字八號大雙蓬艍船一隻勇字三號犁艍船半隻脩造之時惟恐爾民

尚未周知蒙 憲准免情由仍被不法經差借端指派亦未
可定合行出示曉諭為此示仰闔縣里民人等知悉嗣後倘
有經承差役恣不畏法在外指稱戰船名色派擾行戶苦累
小民者許受害之人即時扭稟以憑盡法重處仍俟農隙時
詳 憲勒石永除錮害特示

一件禁革軍糧重耗以除民累事

照得一切錢糧絲毫俱關

朝廷正供錙銖悉屬百姓脂膏其征收完納無論大小款項自當
畫一不宜異同致為民累如地丁一項官設櫃征收民自封
投櫃法至善矣又奉 撫憲嚴禁重耗每兩不得過六分遵
行已久罔敢踰越獨有海門衛軍糧一項向例不歸地丁總
書經營另僉經承復不設櫃令民自封投納經承在家執戩
稱收彙日拆併總兌其火耗繳官加一在外則勒至加一五
六甚而竟有至於加二者查軍田每畝額征一錢四分一厘
七毫零其應完之銀不但重于民田抑且重于官田小民既

完重賦又加重耗苦上加苦其何以堪夫軍糧耗羨官比大
糧多得四分因而啞口無言由是而經承私收侵蝕由是而
百姓拖欠不完其累不獨在民抑且在官此備不知作自何
人至今相沿為例深可痛恨亟宜禁革以除積弊合行出示
曉諭為此示仰縣屬應完軍糧花戶知悉所有軍田錢糧本
縣現在具詳 上憲歸併地丁經承經營設櫃征收革除重
耗爾民只須照依大糧一體加耗六分完納自封投櫃取串
歸農示後務將名下各年舊欠火速按數赴櫃全完不得任
聽經差哄騙私相授受至於該經差當以身命為重敢有利
令智昏仍然重耗騙收一經察出立拏杖斃決不輕饒要之
百姓止此膏血本縣此舉無非望爾民得省一分之閒費即
多完一分之正項耳倘敢觀望延挨不爭先輸納是耗重不
完耗輕又不完真乃冥頑不靈定行差拘究比雖完必責其
無悔特示

一件清查絕戶糧產以除錮弊事

照得有產則有糧有糧方有戶此普天大例也獨天台各都
坊舊有絕戶雖多寡不一而苦樂懸殊有人絕產存戶首私
行盜賣而糧洒各子戶者有人產盡絕子戶不肯帶澆而包
賠獨累戶首者有始而產存繼而產盡戶首硬掛絕戶之疎
遠宗族勒完者征比之期互相推諉蒂欠不完比之皆是深
可痛恨合亟清查以除錮弊為此示仰各都坊戶首及一切
花戶人等知悉示後速將該甲內各絕戶某之產存糧存有
田若干完糧若干現在何人管辦某之糧存產盡實有虛稅
若干現在何人包賠統限半月內盡數開呈以憑核奪敢有

戶雖絕而產尚存豪強佔管不行呈明者毋論諸色人等許
據寔首報查勘得寔即將所首絕戶田地盡行充賞其佔管
之人治以隱匿之罪法在必行各宜凜遵毋違特示

一件編審屆期特行諮諏利弊以裨益國計民生事

照得編審大造乃民生休戚所關國課盈虧所繫要必其慎
其難至公無私或可稍輕民累今奉 撫憲飭行清編舊例
利弊之所在作何釐剔如何舉行并荒絕坍糧作何籌補務
期因地制宜逐加叅酌變通造冊詳覆具見 撫憲憂國憂
民之至意查天台田賦錮弊頗多本縣自去年到令每日具
呈環稟者不曰飛駕皇糧即曰丟稅賠糧不曰造冊不公即
曰畜頭弊陷總計不下千紙呼號迫切之狀真令聞者酸鼻
見者傷心此皆前屆清理時未清之故也本縣承乏茲土自
問毫無意外恩澤及民惟此興利除弊之念刻々不忘今值

編審大事敢不矢慎矢公上以仰承 各憲而下以副百姓
之望耶但本縣一人之耳目有限且蒞任不久雖細加體訪
畧聞一二慮未周知合亟出示諮訪為此示仰闔縣四民人
等知悉今當編審屆期天台有何利當興何弊當剔如何立
法使無詭寄無隱漏無飛駕無丟陷并荒絕坵糧盡行歸補
無賠累一切錮害盡絕之處不論紳衿士庶耆老以及諸色
人等果然確有成見許即條分縷晰明白直陳聽候虛公採
擇具詳 撫憲立見施行今當

聖天子神明英武視民如傷又逢 撫憲察納雅言虛懷若谷端
本澄源正在此際爾等百姓各抒所見速 隨堂回稟毋得

有懷莫白緘嘿於一時受十年之大累自悞以悞人致負本
縣一片諮諏善道之婆心也搃之心地乾淨則無瞻狗顧忌
凡事如此何況編審糧役之重務乎特行佈告政予望之特
示

一件禁革編審繳官一切陋規以甦民困事

照得天台地瘠民貧兼之連年荒歉百姓困苦已極今歲幸
獲有秋然而瘡痍未復本縣時厯於懷今屆六十年編審聞
各番派有繳官公禮種一陋規不一其名不一其事即如各
番書箕手下派有花紅酒禮銀七十二兩夫涓滴所出悉
窮民之膏血分毫所入即官府之贓私况乎時屆大造爾民
之費用不知凡幾即使閒錢不費一文猶慮家衿戶肘疲力
難勝若再派繳官陋例是猶病夫方在呻吟而又加之箠楚
痛上加痛其何以堪除現在逐項密訪察究外所有各番書
箕手下繳官花紅酒禮銀兩合先出示禁革為此示仰闔

縣里民知悉此番編審大造務必矢慎矢公以期風清弊絕不但革除派繳花紅酒禮一項並從前一切繳官陋例盡行嚴禁與民更始敢有不法蠹棍利令智昏愍不畏法仍然指名在外科派轉輾剝削者不論諸色人等許即據寔密稟以憑嚴拿按照新例盡法究擬言出必行各宜凜遵毋違特示

一件編審重務開誠布告奉公守法共保身家事

照得十年大造有闕國計民生其事甚重自宜矢慎矢公所
有從前編審一切陋規久經出示盡行革除即戶丁一項本
縣稔悉此中苦累亦經豁免在案但立法不嚴告戒不切種
種弊害由此而起小民貽害無窮查爾等現充書算人役俱
係有身家要體面之人自宜洗滌肺腸打點精神諸事奉公
守法以期弊絕風清今當開局伊始合行出示曉諭為此示
仰在局任事書算人等及闔邑紳衿耆庶遠近各業戶知悉
速開填舊管新收田地山塘各項產業彙歸某都辦納情
由及歷年累害從前脫隱各弊應控者據寔具控應首者據

寔自首統限半月內赴縣投明以憑察核毋朋名飛詭毋隱
漏侵欺毋捏名分拍自取罪戾各業戶仍將本縣稅過印契
當堂查驗推收務使本戶親自填單親自持契到局在局書
箕人役驗明印契一秉成法寔心辦事毋受賄隱弊毋徇情
骫法毋怠惰偷安總在本年八月內平編審定報憲以免
催提不得徂于前屆積頑陋習希圖六十一年平編六十二
年申報致干法處要知各都田地現在畫圖分撥清丈刻期
可以告竣自必坵上有四至號，有圖形戶，有的名不容
移坵換段隱漏飛詭今番大造清理必須逐段逐號逐圖一
對冊查契核明稍有舛錯即行澈底清查不容絲毫假借

是清丈所以去清理之病根而清理又以搜清丈之弊實則
丈量大造二項固有並行而不背者自示之後倘敢以無
法作奸犯科一經訪聞告發本縣蓋柱性成惟有
斷不稍為寬假爾等若拚身家而圖小利豈不感
者據各書箕手環庭稟稱革去戶丁則甲內田產
稽查勢必隱漏等語第查戶丁向有繳官之費不在
有幫貼衙門之費有日用盤纏之費一名戶丁非
不得了事天台三十六都坊共計戶丁七百二十名
九千兩窮民膏血無幾遭此剝削其何以堪是以決
嗣後甲內凡有買賣業主俱各速，自行報明印收入

有隱漏許書算手查明稟報嚴拿究訊除照律問罪外仍
充當戶丁勿為本縣言之不早也各宜猛省特示

一件曉諭產主速行赴局推收毋得觀望自誤事

照得十年編審所以清理糧賦關係非輕難以泄視今屆大
造奉 督憲滿 撫憲屠 藩憲傅嚴飭民間田產務須併
歸一戶力行編里順庄之法以保甲滾催相為表裡大書特
書頒示曉諭是此番編審並非從前具文依樣葫蘆者可比
茲五月已終奉 憲羽檄交馳嚴催冊籍爾民自當急丁印
契推收以竣大案何藐抗不遵一任 上憲大聲疾呼本縣
諄諄告戒勢不稅而糧不收延挨觀望總係土棍奸徒一手
把定希圖持柄在手為作奸犯科之計深可痛恨除各都書
美人等現在傳齊深局內遵照 憲行督令先行順庄查

編外合行出示曉諭為此示仰闔縣有產人戶知悉今次編
審之法凜遵 憲飭以地從人先歸村庄後編里甲將本人
所有各都之產儘數收歸一戶即在所住之都立戶完糧一
人止許立一的名收辦一都不許拍分数名數都以便將矣
滾單傳催蓋以本村之人滾本村之糧單到如流傳遞甚便
示後速將各都田地小塘彙齊赴局驗契立戶完糧統限六
月十五日定賦平圖倘有怙終藐玩不來推收本縣亦不復
顧問竟於六月二十日掛榜造冊詳 憲完案決不因爾等
之從違亦遂依回延擱半途中止也至於違律不過割不稅
契者平編掛榜後查察得實於戶則據寔通詳民戶則嚴拿
究訊依律問罪田產俱各入官法在必行勿謂本縣言之不
早也特示

一件曉諭零星細戶俱准自行立戶完糧事

照得有產則有糧有糧必有戶此一定不易之理獨天台鄉野編氓並無戶名一切買賣推收俱係耑頭把持措勒零星細戶欲自己立一戶名非重費不能往，畏難而中止所以買田不能收辦只得存頓耑頭并老戶矜戶之下非特錢糧任其兜收侵蝕洒派駕掛而且坵段任其移換影射種，弊累不可枚舉此皆小百姓立戶艱難之故真天台第一大害今當清丈業已坵，有業主適逢大造務使戶，有的名痛革耑頭永除民害合行出示曉諭為此示仰通縣里民知悉凡有田之人或係承分祖業或係自己續置不論多寡即五

分一畝俱准自立戶名完糧示後各開明田地坵畝坐落
土名粘同契據具稟批發本人親領交付總書即為入冊立
戶敢有留難指勒情弊許即喊稟以憑盡法重處此本縣為
爾民拔除歷來錮弊起見如敢仍蹈前轍不自行立戶完糧
即以欺隱治罪各宜凜遵勿貽後悔特示

一件曉諭自首隱漏免蹈法網事

照得田地之混淆糧稅之不均至天台為已極既無魚鱗流
水號段細冊復無花戶的名寔征清冊于是有畔稅換稅之
弊有詭名詭寄之弊有包攬兜收之弊有帶虛之弊有花分
之弊種之積弊不可枚舉所以富者强者阡陌連田而膏腴
坐擁貧者弱者立錐無地而困苦難支此數十年來之流毒
乃天台第一大病也今屆編審若不徹底清查查出隱漏之
實糧歸補澆賠之虛稅年復一年害無底止為今之計非丈
量不可本縣現在備文通詳各憲挨都順苗減從畧糧逐
一勘丈務使隱者畢現漏者盡出此絀彼盈裒多益寡以期

弊絕風清查田宅律內開載一條凡欺隱田糧脫漏版籍者杖一百其田入官所隱稅糧依數征納又一條凡將自己田地移坵換段詭寄他人及洒派等項事發到官全家抄沒又新例內開凡進士舉人生員貢生監生隱一畝以上不及十畝者革去進士舉人生員貢生監生隱十畝以上者革去進士舉人生員貢生監生杖一百其所隱田地入官所隱錢糧按年行追若軍民隱漏田地而里老人等不行查出者責四十板枷號三個月律例霜嚴凜然可畏但本縣有父母斯民之責今番此舉原以愛民若不教而誅反以厲民又所不忍今與爾民約各將從前隱漏等情姑准自首免究合行出示

曉諭為此示仰縣屬軍民人等知悉凡有隱漏洒派田地山塘等項總限一月內速上據寔自首止科現在之糧並不追究已往或本人不肯而得相容隱之親屬代為之首者亦准自首律免罪如本人不肯而得相容隱之親屬又不為之首許爾等澆虛受害之民據寔首告得實除拏該犯按照律例分別究處外仍將出首隱漏之田充賞填還虛稅萬勿疑畏觀望不前自懼賠累之苦即地方里老亦有不行查出之嚴例慎勿通同徇隱到丈出之後甘受枷責之譴本縣承之以來稍有裨于民生之事無不寔力舉行况大造清丈如此重務更當提起精神通盤打筭認真到底其該行該止一切事

宜皆親自斟酌裁定並不假手吏胥亦不稍徇情面所到之處各項動用給發現銀照依時價現買決不派取民間一粟一絲俟丈量告成造冊詳憲永定良規不惟窮閭免不均之憂即素封亦無偏枯之累倘有豪強抗法專利而思阻撓狐鼠作奸憑城而滋移換本縣居心似雪執法如山薑桂之性難移冰鐵之面不改知我罪我固所不問也總之本縣惟知眼前赤子爾等當畏頭上青天其各凜遵毋貽伊戚特示

一件再行曉諭紳衿富室條慮洗心速行清丈以遵國法以循天理事

照得天台田賦混淆弱肉強食富者有產而無糧貧者有糧而無產公庭追比之下鵠面鳩形者囚首叫號傷心慘目此種錮弊自故明以迄于茲相沿已久今當編審屆期若再因循勿為釐剔竟成江湖日下之勢窮民苦累無所底止是以不敢畏難苟安通詳清丈與民更始又面稟撫憲謬蒙稱許指示丈量方畧飭發官冊官弓逐畝查丈務使坵下有業主戶有的名則知此番舉動迺清田非增田乃查隱漏歸補虛糧非將虛糧均攤通邑也何紳衿富戶平日止知隱漏

欺侵今恐水落石出胆敢成群結黨四佈訛言謂新弓比舊
弓短小新堤與舊堤不符今日之施又非清田乃增田非查
稅乃攤稅之說以蠱惑鄉愚百計阻撓希圖中止遂其陰私
但爾等席豐履厚當思遵王法以保身家循天理以貽孫
子奈何所見之不廣徒有陽貨為富不仁為仁不富二語橫
于胷臆竟思自己土田妄要他人交稅非惟干犯王法而
且大傷天理況天運循環十年消長不一安能富者終富貧
者長貧乎且福善禍淫昭々不爽司馬溫公有云積金與子
孫子孫未必能守不如積陰德于冥々之中使子孫受用不
盡何苦損人利己枉費心機今本縣反覆叮嚀此物此志也

合再出示曉諭為此示仰闔邑紳衿耆庶知悉此番清丈冊
係官冊弓係官弓費係官費止查寔在隱漏毫不額外加增
從前即有欺隱准其自首概不深求至其間或有原田而今
地原地而今田或有先荒蕪而今成熟先冲決而今開墾或
有逼近溪灘時憂水患坐落山坳土係瘠磽各處所只須一
一註明本縣履畝親勘得寔定當設法調劑處置得宜而後
即安其區總公正丈書算手等役如有受賕翫法伸縮弓口
作奸犯科許諸人據實首告以憑嚴拏蓋法重處斲不輕貸
要知本縣一片熱腸通詳清丈原為台民除害豈肯偏執已
見反為台民貽害抑貧富皆我部民誰有抑富縱貧之念總

不過盡其在我而已雖官斯土原如傳舍籠鶴携琴未知將來又在何處但現在此邦不得不認真做去所謂圖大事者不顧小怨興大利者不計小害也爾等其各翻然悔悟速遵前示條約事宜各以文明以無負上憲暨本縣繡繆民瘼之意倘有怙終不悛恃頑阻大縣定操三尺以從事其無悔特示

一件勸諭監丈文書各循天理恪遵王法事

照得尺地莫非王土一民莫非王臣而其間吉凶悔吝消長乘除莫不有天焉以主之是故

皇上奉天承運尊之曰天子縣令奉天子命以臨民稱之曰天吏百姓遵王法而率由名之曰天民惟天有網儘你何如算計每自投其網躲避不得哄騙不得所以順天者昌逆天者亡的是至論今天台田賦混淆弱肉強食積百餘年窮民怨氣鬱結日久將來豪富必有天殃本縣不忍爾等遭此鞠凶通詳清丈一以舒窮民之怨氣併以消豪富之天殃所以任怨任勞任費竭盡心力籌畫經營務求無憾而後即安

又恐耳目未周聞見未廣復託通縣紳衿分都監丈滿期共
矢清白底于弊絕風清詎意奉公守法者固不乏人而作奸
犯科者正復不少訪聞有等監丈書狼狽為奸偷天換日
或欺弄鄉愚肆行嚇詐或勾聯土棍恣意行私將有作無以
多為少指田作地移熟為荒甚至改換圖冊伸縮弓口妄奪
善良之世業強爭開墾之田塘舞弊多端難以枚舉若不提
起精神加意清釐非特有始鮮終難免後人之口實抑思
上憲破格垂青咨題留任何等傾心委託顧乃從事模稜依
回塞責不上負

皇恩而有辜憲德乎不下負百姓而且獲罪于天乎用是瞿然

不敢合行出示勸諭為此示仰各都丈書並監丈人等知悉
各放出天良凡田地山塘務項一一照畝秉公丈明編號
入冊不得徇業主之情面受業主之賄囑徇私廢公并不得
欺凌無用之業主婪贓夥詐在各業主宜思從前隱漏既已
概免深求目下自當儘數報出毋隱漏絲毫倘言者諄而
聽者藐怙終不悛仍蹈種前轍一經本縣訪聞勘寔定
行大法究處斷不姑寬即或徼倖一時苟免官刑日後必遭
天譴夫本縣乃已去之官又無田產室廬姻婭宗黨在于天
台猶櫛風沐雨戴月披星殫精竭神不辭勞瘁認真為爾百
姓何爾等於桑梓之地父母之邦共井同鄉非親即友反利

令智昏受昧，執法不循天理，不顧兒孫，殊不可解。稍有人心者，斷不為總之頭，上有青天，網恢疎而不漏，人可欺，天不可欺明，在上甚可畏也。特示。

一件曉諭事

照得天台田無冊籍賦無花戶田賦混淆窮民困苦難堪今值編審屆期不得不通詳清丈與台民為更始之計但恐不法之徒舞弊作奸借端科派除酌定條約十二事外又每都捐銀一十兩穀五十石令黨總具領以為人役工食之需俱經大書告示曉諭在案所有區總都總公正知識丈書人等於正月初四等日業已傳點給弓飭令開丈詎本縣因公赴省有等不肖紳衿平日任意侵佔隱漏詭寄包攬今恐水落石出輒敢四布流言或云弓步大小不齊或云並無魚鱗細冊或云所捐銀穀要追百計阻撓希圖中止此種刁風本縣

身為民牧豈肯壅於上聞不亟為窮民請命乎是以將種
情由面稟 撫憲極蒙稱許親示丈量方畧諭令速行如有
光棍阻撓立拿解究又奉 藩憲查發司庫所存天台縣魚
鱗號冊一百六十七本弓式一把給本縣領回 上憲如此
認真為民本縣敢不仰體實力舉行即合亟出示曉諭為此
示仰各都黨總暨紳衿耆庶知悉速 赴縣具領供應銀穀
立刻查丈一切効力人役每日各給蔬食二餐酒半勛務必
奉公守法逐坵清查毋許徇私廢公敢有勢豪攔阻及伸縮
弓口訪聞告發立即通詳嚴究決不姑寬至于富家巨室從
前有欺隱田地俱於本月某日為始定限半月內准其自首
并准得相容隱之親屬代為之首止科將來之糧並不追究
已往不必遲疑不必畏縮自示之後倘再怙終欺隱藐抗不
首到得當官丈出則按律治罪斷 難逃矣各宜猛省毋致
噬臍特示

一件再行曉諭照依自然界址歸填清丈以杜紛更推

諉事

照得天台田賦混淆皆由填冊之不清即康熙四年丈量不
過依樣葫蘆抄謄舊本所以紊亂垂張全無頭緒莫可稽查
今番清丈每都照依溝渠道路山隈天地自然之界址分圖
分丈已經出示曉諭在案奈從前填冊不依自然界址割裂
定畝者頗多如一界內田地本係十三四都而插入十五六
都者有之或係一四都而插入二三都者有之犬牙相制繡
壤相錯以致彼此互相推諉觀望遲回反致遺漏亦未可定
合行出示曉諭為此示仰區總以及公正知識丈筭人等知

悉務要照依自然界限定填如一界限內而有两都田地只須註明某號向在某都打號今歸某都字樣以便酌核毋得拘定從前號數致滋弊竇總之一都有一總圖總號有一零圖細號總筭合縣共有若干圖形若干號數若干畝分彙筭定都另造清冊詳 憲存查其向來舊冊槩置不用爾等各宜凜遵照示速行毋得玩違致干未便特示

一件嚴飭丈量責成以杜舞弊推諉事

照得清丈一事已奉 藩憲轉奉 撫憲飭查司庫所存天台縣魚鱗號冊並弓式給發本縣親自領回查丈除現在出示曉諭闔邑紳衿耆庶外合再示諭區總都總公正丈書知識黨總人等知悉各宜盡心任事上緊查丈又須各出良心實力清丈如弓步有舛錯責在都總丈書丈書有懶惰責在公正知識稅積有長短責在區總各役有怠玩及不到地責在黨總至丈過之田地須開明弓口號數業主姓名具單報縣以憑核對司冊其間或有先田而今地先地而今田者亦須據實一一註明以憑按圖親勘定奪各宜凜遵毋得玩違

致干法究須至示者

一件再行曉諭墾荒人戶速插牌打號丈明畝分歸戶

完糧事

照得此番清丈一以釐欺隱之弊一以清包荒之苦原以利
民非以擾民所以向來一切隱漏俱准自報入冊歸戶完糧
並不追究已往業經三令五申出示曉諭在案昨本縣親詣
老鼠嶺地方踏看坟山一路新墾田地甚多一處如是自必
處一如是具見我民盡力耕農遊惰鮮少不禁心焉色喜隨
指問新墾地一坵係何人執業並無承認再三細詢方據土
人稟覆是徐姓所墾當即諭令徐姓插牌打號歸業外因思
其始而不來承認之故蓋恐追究從前隱漏不無疑畏相乘

故爾趨趨嚙嚼耳諸如徐姓之類諒必所在多有但此荒蕪
田地胼手胝足不知費幾許血汗火耕水耨不知用多少工
夫方得成熟真是勤苦務本之好百姓使果人、如是將見
邑無遊民野無曠土本縣方將獎勵之不遑豈忍以前此不
行開報陞科遽奪其業使有向隅之泣耶合再出示曉諭為
此示仰縣屬開荒人戶知悉凡所開墾無論有主無主畝多
畝少遠年近月或地或田概行赴縣報明插牌打號丈明歸
戶從前即有隱漏既往不咎不必違疑不必畏縮內中或係
有主之荒從前拋棄任其蕪穢不治今見他人墾熟原業主
出而爭執者許該開墾之人立即據寔具稟以憑親勘酌奪
要不使勞者反失而逸者反獲致惰民得志而勤儉吞聲也

特示

一件曉諭頒給清丈田由事

照得天台田賦混淆弱肉強食本縣通詳清丈現在舉行
必垢、有業主、有的名查出隱漏之實糧歸補攤賠之
虛稅窮民從前錮累將來可以屏絕矣然而天台惡俗又多
盜賣之弊有一產兩賣甚有三四賣者非機乘初賣轉騙他
家即田仍已種任意疊售抱租曲益又或土豪富室婪田湊
錦明知業落他人故出重價甜誘原業主或原業主之子姪
弟兄倒提年月執契收租彼業我管我種彼收倚強凌弱恃
衆欺孤抱贖盈庭殆無虛日今清丈之後不可不設田圖由
單以杜種、弊害業將頒給田由情因通詳 各憲現在鏤

板刷印俟丈後示期赴領外合先榜揭單式出示曉諭為此
示仰三十六都坊紳耆庶各產主知悉一俟清丈事竣每
坵照依鱗冊繪具圖形填明號數弓口四至坐落土名業主
姓名一坵一單上蓋縣印頒發本人領歸收執一人不
得自行完糧其一切老戶寄戶朋戶盡行革除嗣後
藤不許告找告贖再起風波管業以由單為憑買
為據如管業無此單即係隱漏侵欺買賣無此單即係
盜賣事發之日定行按照新例從重治罪斷不姑寬
此番查丈務期弊絕風清為天台窮民拔除世累本縣不日
減從輕騎按都抽丈爾等有產人戶不必再存欺隱念頭貪
小失大丈書人等亦不得作奸犯科以身試法各宜凜遵特
示

一件曉諭速行具領由單事

照得天台田賦混淆今詳 憲清丈已除欺隱飛詭之弊再
行頒發由單以杜侵佔盜賣之害業經通詳 各憲並出示
曉諭在案今亟揭示由單式樣使爾民一體恪遵具領為此
示仰通縣產主知悉本縣現在捐資刊刷由單一俟丈量事
竣每坵照依鱗冊繪圖填號註明弓口四至一坵一單蓋用
印信給產主領回收執買賣管運俱以由單為據倘有抗違
不領者如旁人查寔出首即將不領由單之田地充賞如係
原業主察出舉報不論遠年近月所賣俱許半價回贖其半
價仍行照律入官充餉法在必行要知此番查丈務期徹底

整剔弊絕風清兩區總大書并業主人等即使用盡心機朦蔽一時田地終非已有禍害波及眾人其各洗心滌慮提起精神速乘公查丈刻期告竣毋忽特示

精神速乘公查丈刻期告竣毋忽特示
一、件禁革加派考試供應事
照得台邑連歲不登今年又遭亢旱小民困苦已極本縣承乏斯土撫綏無術正在中夜起坐惄不自安之際茲准前署縣顧移送交盤各冊前來內有本府在縣考試並學憲考試供應銀兩加派各都差追抵補不勝駭異因思目下新舊錢糧奉憲催征催解急如星火百姓辦納正供尚爾艱難何堪額外派征苦累為此示仰闔縣士民知悉所有前署縣差追各都考試供應銀兩盡行豁除免追敢有不法差胥結連地棍仍然借端指派私收分肥許爾民即刻據實赴縣具稟以憑嚴拿重處斷不姑容特示

稟以憑嚴拿重處斷不姑容特示

天... 告示

一、件嚴禁在官人役保歇訟犯事
 照得本縣系出新安家居郎步自童年束髮授書晨昏定省
 凜遵行矩言方之嚴訓迨徵俸釋褐以來過庭時面命耳提
 惟以潔已愛民為兢、今承乏天台就道之日母氏執手叮
 嚀曰爾其行矣仰附先哲後塵入官伊始務絕苞苴謝請託
 庶上不負

一件嚴禁在官人役保歇訟犯事

照得本縣系出新安家居郎步自童年束髮授書晨昏定省
 凜遵行矩言方之嚴訓迨徵俸釋褐以來過庭時面命耳提
 惟以潔已愛民為兢、今承乏天台就道之日母氏執手叮
 嚀曰爾其行矣仰附先哲後塵入官伊始務絕苞苴謝請託
 庶上不負

朝廷下無違義方之訓本縣跪而識之不敢怠蒞任以來繩趨幅
 守時切冰淵之懼案無大小一秉理法矢公矢慎躬親裁度
 毫不寄耳目于經胥置腹心于親友不料有愍不畏法之蠹
 書徐象乾光棍倪建章大膽撞歲招搖業經訪聞得實盡法

重處矣今訪得尚有不法經胥違禁招留四鄉有事人犯或
原呈或被告在家保歇深可痛恨除現在密訪嚴拿外合行
出示嚴禁為此示仰闔屬軍民人等知悉凡本縣聽審詞訟
俱于原差帶到人犯唱名之後當堂披閱原卷是非曲直據
理按法臨時剖斷絕無成竹內外人役從不假以事權爾民
諒有見聞嗣後如犯事在官有理沒理只須靜候審斷不得
徃投衙役為歇家徒為此輩影射如敢故違察出先責後審
其從前審過案件或有無知悞被騙去銀錢者許即據定指
名具稟以憑嚴究追給原贓被騙之人即准自首免罪並不
治以以財行求之例爾等萬勿顧慮觀望不前至於在官各
役當念身命為重速上奉公遠禍倘仍然保歇訟犯者重則
立斃杖下輕則分別遣配斷上不為稍寬以散三尺各宜猛
省勿貽後悔特示

一件開誠勸諭及時完糧早清 國課共樂昇平事

照得

聖朝新例最重錢糧官府以完欠定殿最百姓以完欠別良頑
是故解不及分數自 院 司以至 府州縣分別罰俸降
職完不及分數自紳衿以至庶人分別褫革寃擬煌上 功
令炳如日星凜然可畏本縣冰蘖自持忠

君愛民乃平日讀書素志今承乏天台除授之日稔知此邦僻
處山陬民貧地瘠兼遇今夏亢旱爾民度日維艱一路出都
刻上以地方休戚為念長接人役一到即以成災不成災是
問幸邀

天仁愛默佑我民本縣甫下車甘霖大沛雖然幸獲有秋然
凋瘵之餘瘡痍未復且脂膏有限物力無多若新舊錢糧一
旦遽行迫切追呼恐爾民難免化傷之歎本縣痼瘼念切是
以七月蒞任以至八月其各年各項錢糧屢奉上憲羽檄
疊催搃不忍開征甚至奉有催科之術不職已極之嚴檄亦
甘任受無辭無非為爾民計也奈今京協餉銀大部行催
急如星火而省倉兵米立等夫放旁午軍需萬難遲悞此
上憲大聲疾呼催徵催解良非得已爾等分屬子民自宜以
朝廷正供為重及早輸將以赴定限若真頑不靈抗不輸納喫緊
錢糧將何湊解勢不得不按戶差拘按期追比到得此時錢

糧究竟要完豈不徒遭鞭朴徒費閒錢諺云若要寬先完官
爾等何不回頭一想今本縣因公在省所有各年錢糧已檄
發捕衙比追外合行出示曉諭為此示仰合邑里民花戶人
等知悉趁此收成之際速將戶下新舊應完銀米依限照數
清完官省徵比之繁民免追呼之苦差胥不擾婦子無驚優
遊化日豈非昇平樂事倘積頑成習仍然觀望不前定行按
戶嚴比欠數少則枷責本人欠數多則并拿家屬斯時情即
宜矜法無可恕本縣縱有父母斯民之念斷不能為不率教
之子弟稍為寬假也至於紳衿士子平時讀書自愛將來出
身加民自能仰體此意踴躍急公以為齊民表率諒無俟本

縣之瑣事也特示

一件曉諭百姓速清完各年舊欠錢糧無悞急餉事

照得五十八年以前民欠銀米非係奉文抵補卽令虧空卽係覆叅限滿事在燃眉現奉 藩憲差提不容稍緩至五十九年分銀米奏銷在卽現發籤催俱屬萬分緊急今查核各年民欠銀米尚有一萬一千有奇開征兩月竟無完納不但喫緊錢糧無可湊解卽奉 撥二三月台寧二協兵糧將何兌給合行出示曉諭為此示仰闔縣各欠戶知悉所有戶下未完各年銀米統限十日內掃數清完立等湊解敢再抗延定按戶鎖拿欠數少者枷責扣完欠數多者本身解 憲究比家屬監追近奉 新例錢糧考成最嚴最切又奉 撫

憲嚴檄申飭本縣斷不肯代爾等抗糧頑戶受過務必嚴限
比追不完不已不全完亦不已也但頑戶敢於歷年拖欠者
半由於經承坐書之舞弊半由於總催畝差之賄捺今爾等
各宜洗滌肺腸打點精神辦完公務倘敢逞從前故智一奉
上憲檄催本縣惟有拘經承坐書差役家屬監比將本身解
憲申請從重究處而已到得此時身家性命豈不危如累卵
耶要之舊欠銀米拖欠到今該完不該完該催不該催請各
三思勿貽後悔特示

一件嚴催未完奏後錢糧事

為查五十七年未完地丁錢糧撥充京餉疊奉 上憲嚴催
急如星火本縣因念爾民今年蹇遭亢旱之後秋成歉薄物
力維艱是以七月蒞任至今不忍遽加嚴比屢次出示勸諭
設法輸納至再至三不啻唇焦穎禿詎爾等未悉苦衷漫不
關心當此餉銀旁午之時而五十七年未完地丁尚有二千
七百兩有奇儲米八百石有零一任大聲疾呼苦口勸諭總
然衷如充耳完納無幾喫緊錢糧無可湊解勢必坐悞豈非
有意抗頑貽累本縣耶合再出示曉諭為此示仰三十六都
坊花戶人等知悉速將戶下未完五十七年分銀米定限月

內掃數全完以便拆併湊解但查各都欠數大約細戶有
紳士較多爾紳士讀書有素自知愛鼎當必急公爭先以為
齊民表率使本縣得免催督之煩餉銀無悞則相成之雅于
賢紳士寔有厚望焉倘或言者諄諄而聽者藐藐仍然抗欠
不完紳士定差孤貧坐催并拏家屬究此頑民枷責押候全
完釋放斷不稍為寬假須知國賦為重功令可畏催科之
法要非得已此爾等有負本縣不恤爾等也眾紳士
其共諒之爾百姓其共勉之特示

一件勸諭急公完糧無悞正供事

照得地丁錢糧四月完半九月全完此定例也其儲米一項
乃旁午軍糈不容遲緩至於漕項例係隔年預征本縣稔知
上年收成歉薄物力維艱是以去冬雖奉上憲嚴催竟不
設櫃開征爾百姓須知國賦為重且當念本縣一片撫恤
婆心到得今年自宜將本戶應完銀米照限輸將方不失子
民之誼乃屆今四月新糧正當完半之時舊糧趕解奏銷之
際不但司道府憲羽檄交馳而且差人坐守新舊餉銀立
等起解再台協省倉兩處兵米急如星火奈何本縣因公出
境委衙查比完納寥上旁午急餉將何湊解豈不坐悞但思

春三二月係青黃不接之時或者急公有心寔因無力非盡
出抗頑之故所以本縣旋署尚不忍遽行嚴比今值孟夏春
荒已過絲麥將登各宜省喫儉用不要花費及早完糧毋論
多寡勿拘限期源上完納積少成多就可完足以清年額在
官得以依期解給在民得免差拘責比豈不兩得其便豈不
各自安心為此示仰闔邑花戶人等知悉毋任衿棍兇收侵
蝕毋信經胥哄騙捺攔各上賫銀親身投納完得一分之錢
糧即少一分之累墜果有急公十分全完者該承逐戶開稟
定行當堂給賞菓酒鼓吹導送以昭獎勵若仍然不完此屬
真正頑民定行差拘鎖押比追完日仍行枷號示衆此爾等
自取其辱非本縣不教而誅也各宜凜遵特示


一件京餉急若燃眉兵糧迫如星火勸諭作速清完官

民兩利事

照得撫字乃居官之首務而催科又奉職之先徵撫字要寬
催科須猛二者不可得兼此州縣官之所以難做也本縣忝
為民牧素性慈祥自當專心撫字以遂本懷奈錢糧一項為
功令之所束縛一毫不能寬假雖有仁心難以遽施而天台百
姓又疲頑成習非嚴猛不行必藉鞭朴以行其慈惠憶本縣
上年蒞任時目擊民貧地瘠兼值旱荒所以新舊錢糧寧受
上司之呵叱概從寬緩至本年五月初旬奏期已屆一任諄
諄告戒大叢疾呼總然衰如克耳完納寥寥勢處無可如何

不得不上緊追征按欠查比頑民鎖押頑衿詳禡此非本縣
好為是迫切也寔爾等之自取耳迨本縣奉取入關惟恐差
胥借端需擾即出示停比諭令源々完納滿擬今歲雨暘時
若五穀豐收自然輸納孔多何期至今十月全完之候浙完
尚止二分是緊急京餉傍午兵督將何湊解乎查邇來 新
例森嚴奏銷法重錢糧不完無論紳衿盡行褫革究擬其在
小民更不必論從未聞有因逋賦而辱身能懃寃于上雪憤
于朝者可見錢糧之完與不完關爾民自己之禍福若州縣
官迫于考成果盡力追比亦不得不完畢竟欠難而追易也
為此開誠再行曉諭士庶人等其各仰體本縣勸勉一片婆

心將所欠應完錢糧速行設法清完倘再趑趄不前貽累官
府本縣不日限期查比期于必完勿再視為泛常自貽伊戚



文化圖書

桑原藏書

154

海
台
治
器

卷
之
五

五

